

# Statuts dalla Romania

Objekttyp: **Group**

Zeitschrift: **Igl Ischi : organ della Romania (Societat de Students Romontschs)**

Band (Jahr): **54 (1968)**

PDF erstellt am: **10.07.2024**

## **Nutzungsbedingungen**

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

## **Haftungsausschluss**

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

# Statuts dalla Romania

## I. Determinaziuns generalas

### Art. 1

La Romania ei ina uniun el senn dils art. 60 sqq. dil Cudisch civil svizzer cun igl intent da mantener e promover la cultura romontscha. Num ed intent

### Art. 2

Commembers ei tgi che retrai ina ediziun ufficiala dalla Romania. Commembers

### Art. 3

Ils commembers dalla Romania fuorman en vischinadis e vischnaucas secziuns localas e collaboreschan cun uniuns gia existentas. Secziuns localas

### Art. 4

La «Romania studentica» ei ina secziun dalla Romania. Romania studentica

### Art. 5

Ils organs dalla Romania ein:  
a) la radunonza da delegai,  
b) la suprastonza,  
c) ils revisurs. Organs

## II. Radunonza da delegai

### Art. 6

La radunonza da delegai ei igl organ suprem dalla Romania. Ella secumpona dils delegai: Cumposiziun en general  
a) dallas secziuns localas,  
b) dalla Romania studentica,  
c) dalla venerabla Claustra da Mustér,

- d) dil Capetel da spirituals,  
dalla Conferenza scolastica catolica,  
dalla Uniun da dunnauns e mattauns e  
dalla Reuniun dallas Cumpignias da mats  
ch'existan ella Cadi, Foppa e Lumnezia.

Plinavon han il status da delegau:

- e) ils commembers dalla suprastonza dalla Romania,  
f) ils redacturs dallas ediziuns officialas,  
g) il representant dalla Romania en la suprastonza  
dalla Ligia Romontscha,  
h) sil pli bia 20 persunalitads dessignadas dalla radunonza  
da delegai.

### Art. 7

Repartiziun  
dils mandats  
da delegai

Las singulas organisaziuns han il dretg al suandont diem-  
ber da delegai:

- a) scadina secziun locala cun silmeins 10 commembers ha  
in mandat da tschep. Plinavon ei il promotur dalla  
secziun locala ex officio delegau. Ultra da quei croda  
in delegau sin mintga 50 commembers;  
b) la Romania studentica ha 15 delegai;  
c) dus delegai han mintgamai:  
la venerabla Claustra da Mustér, ils Capetels da spiri-  
tuals dalla Cadi, Foppa e Lumnezia, las Conferenzas  
scolasticas catolicas sco era las Uniuns da dunnauns  
e mattauns e las Reuniuns dallas Cumpignias da mats  
ch'existan leu.

### Art. 8

Convocaziun  
e liug da  
radunonza

La radunonza da delegai ha liug ina ga per onn. Ulteriuras  
radunonzas san vegnir convocadas dalla suprastonza tenor  
basegns.

La radunonza da delegai vegn menada dil president dalla  
Romania ni da siu substitut. Il termin dalla radunonza  
vegn communicaus allas secziuns localas e publicaus en la  
Gasetta Romontscha sil pli tard 10 dis avon la radunonza  
da delegai.

Il liug vegn mintgamai fixaus dalla suprastonza. Quella pren en quei connex dueivel risguard allas differentas regiuns ed occasiuns specialas.

#### Art. 9

La radunonza da delegai tracta e fixescha las lingias generalas e principialas dalla Romania. Cumpetenzas

Ella elegia per ina perioda da treis onns:

- a) la suprastonza,
- b) dus revisurs da quen e dus suppleants,
- c) ils redacturs dallas ediziuns officialas dalla Romania,
- d) ils delegai tenor art. 6, litt. h.

e propona

- e) il representant dalla Romania en la suprastonza dalla Ligia Romontscha.

Per l'approbaziun ein da suttametter alla radunonza da delegai:

- a) il protocol dalla davosa radunonza da delegai,
- b) il rapport annual da gestiun dalla suprastonza,
- c) il quen annual ensemen cun il rapport dils revisurs,
- d) il preventiv per il niev onn da gestiun,
- e) il reglament davart la redacziun dallas ediziuns officialas,
- f) la definiziun dallas ediziuns officialas,
- g) nominas da cumissiuns stablas.

#### Art. 10

Las elecziuns dalla suprastonza e dils redacturs sco era la nomina dil representant en la suprastonza dalla Ligia Romontscha vegnan fatgas per scrutini, nunche la radunonza decidi unanimamein da far tscharna. Autras elecziuns e tuttas ulteriuras votaziuns vegnan fatgas cun tscharna, schinavon che la maioritad dils delegai decida buca autruisa.

Procedura  
per elecziuns  
e votaziuns

Per tuttas elecziuns e votaziuns vala il pli dils delegai che vuschan.

### III. Suprastonza

#### Art. 11

Cumposiziun  
ed elecziun

La suprastonza secumpona da siat commembers, numnadamein dil president, dil vicepresident, dil cassier, digl actuar e da treis assessurs. Mintga commember dalla suprastonza vegn eligius en votaziun separada, nunche la radunonza da delegai decidi autruisa.

La Romania studentica ha il dretg a dus commembers. Ella fa las propostas per mauns dalla radunonza da delegai. Commembers che demissiuneschan duront il temps d'uffeci vegnan remplazzai alla proxima radunonza da delegai per il rest dalla perioda.

#### Art. 12

Incumbensas  
en general

La suprastonza ei igl organ administrativ ed executiv dalla Romania. Ella representa la Romania ed exequescha tut las incumbensas da gestiun ed ils conclus dalla radunonza da delegai.

La suprastonza decida valeivlamein en tuts fatgs enteifer ils cunfins dil preventiv. Ella sa decider per atgna cumpetenzza sur d'ina summa che survarga buca 2000 francs ad onn. Serepetan talas expensas regularmein ed ei quei da prever, ston ellas vegnir risguardadas el preventiv.

La suprastonza decida plinavon davart las fatschentas ch'ei buca resalvadas expressivamein alla cumpetenzza dalla radunonza da delegai.

#### Art. 13

Dretg da  
suttascripziun  
e carnet  
da scharnas

Il president segna per la Romania, en siu stagl il vicepresident.

La suprastonza circumscriba en in carnet da scharnas la lavur respectiva dils differents ressorts e reparta quella als singuls commembers.

#### Art. 14

La suprastonza propona ils delegai tenor art. 6 litt. h.  
Ella dessegna ils delegai per las radunonzas dalla Ligia Romontscha e fa propostas per scharschas en organs dalla Ligia Romontscha ni d'autras organisaziuns, schilunsch che questa cumpetenzza ei buca resalvada expressivamein alla radunonza da delegai.  
La suprastonza sa incaricar cumissiuns cun incumbensas specialas.

Nominaziun e  
proposiziun da  
delegai e da  
cumissiuns

#### Art. 15

La suprastonza vegn convocada dil president tenor bassegns. Ella seraduna era aschigleiti che dus auters commembers pretendan quei.  
Las decisiuns dalla suprastonza vegnan pridas cun la maioritad dils commembers presents che vuschan.

Sedutas

### IV. Revisiun da quen

#### Art. 16

Ils revisurs controlleschan mintg'onn il quen e dattan detagliau rapport en scret per mauns dalla radunonza da delegai. Ein els impedi, duein els comunicar quei ad uras. En quei cass funcziuneschan ils suppleants en successiun alfabetica.

Rapport  
en scret

### V. Differentas determinaziuns

#### Art. 17

La radunonza da delegai sa numnar cun duas tiarzas dallas vuschs persunas specialmein meriteivlas per la cultura romontscha u per l'uniun commembers d'honor dalla Romania.

Commembers  
d'honor

*Art. 18*

Commembers  
collectivs

Commembers collectivs san corporaziuns publicas, interpresas ed uniuns daventar cun pagar ina contribuziun annuala che vegn fixada dalla radunonza da delegai.

*Art. 19*

Exclusiun da  
commembers

La radunonza da delegai sa sclauder cun duas tiarzas dallas vuschs in commember che cunterfa als intents dalla societad.

*Art. 20*

Dissoluziun

Duess la Romania sedissolver u calar d'exister per munconza da commembers, duei sia facultad restar deponida duront vegn onns tier igl Uffeci circuital dalla Cadi e vegnir restituida alla uniun per cass che quella sereconstituess. Fuss quei buca il cass, croda la facultad alla Biblioteca romontscha dalla Claustra da Mustér.

*Art. 21*

Quests statuts san vegnir revedi cun duas tiarzas dallas vuschs dils delegai.

Quests statuts ein vegni approvai dalla radunonza generala dalla Romania dils 30 da december 1967 a Glion e van en vigur cun questa approvaziun.

Per la ROMANIA:

Il president:  
*Dumeni Columberg*

Igl actuar:  
*Baseli Collenberg*